

անկաւ 'ի վայր : Դաւիթ եպիսկոպոս որդի Յովհաննիսի Պատրիարքն Հայոց կամեցաւ շինել և նորոգել զայն բառ առաջին կերպի . սակայն փոխանորդն Ղեւոնդի և Տեսուչն Վրաց Պուճանի ընդդէմ կացեալ արգելին զնա 'ի գործոյն . պատճառելով թէ տեղին այն ընկերութեամբ է քրիստոնէից , և ոչ միոյ ազգի սեփհական : Իսկ Դաւիթ եպիսկոպոս յանձն առեալ զաշխատութիւնս եւ զծախս , կացոյց վկայս յայլազգեաց և 'ի քրիստոնէից , և հաստատեաց զտեղին լինել սեփհական ազգին Հայոց միայն , և 'ի բաց մերժեալ զբանս ոսոխաց իւրոց , շինեալ հաստատեաց վկամարն զայն : Ծինեաց նաեւ զորմն անջրպետ 'ի մէջ Գողգոթայի տանեաց և վերնատան մերոյ , ուր է այժմ սեղանատունն , թէպէտ Յոյնք բողոքում աշխատ եղևն խափանել զայն , այլ ոչ կարացին . 'ի չ Մահարբէմ ամայ' \ \ \ \ ( 1591 ) :

Ի սմին ժամանակի վանք Ս . Յակոբայ անկեալ 'ի ներքոյ պարտուց , և միարանք նորին տառապէին 'ի չքաւորութեան և յաղքատութեան . եւ 'ի նեղել յայլազգեաց՝ գիմեցին 'ի վանս Լատինաց , և առին 'ի նոցանէ պարտեօք դրամս , եղեալ 'ի դրաւի գրանալի այրին Ծննդեան Քրիստոսի , և զինի ժամանակաց իբրեւ հատուցին զպարտս իւրեանց եւ խնդրեցին զբանալին եղեալ 'ի դրաւի , նոքա զայլ և այլ բանս պատճառանաց յօդելով ոչ կամեցան տալ զայն . թէպէտեւ բազմօք աշխատեցան Հայք , սակայն Լատինք խորամանկութեամբ երկարէին զմիջոցն , և պատրուղական բանիւք ջանային հաւանեցուցանել զմիտս Հայոց , որպէս զի կարասցեն զրկել յիրաւանց յայրին Ծննդեան : Այլ Հայք վաղ զգացեալ զմիտս նոցա , և չգտեալ հնարս յերուսաղէմ , մատուցին զիր ազաջանաց առ Սուլթան Ահմէտ Ա . Զեւիէ կոչեցեալ . զրեցաւ հրովարտակ եւ պատուեր առ դատաւորն Երուսաղէմի , առնուլ զբանալին 'ի ձեռաց Լատինաց եւ տալ Հայոց , այնպէս կատարեսցես ասէ զվանդիրն . զի մի վերատին ստիպեացին Հայք բողոք բառնալ 'ի Գուռն . եւ կրկին հրամանի կարօտ լիցին . 'ի հասանել հրովարտակին յերուսաղէմ , էտա դատաւորն զբանալին 'ի Լատինաց և յանձն արար 'ի ձեռս միարանացն Հայոց :

Աստուածատուր վարդապետ թարգման վանաց Ս . Յա-